

## МЕСЯЦА ИУНИА В 28-Й ДЕНЬ, И В ИУЛИЯ В 12-Й ДЕНЬ

ПРАЗДНОВАНИЕ ПРЕСВЯТЕЙ ВЛАДЫЧИЦЕ НАШЕЙ БОГОРОДИЦЕ И ПРИСНОДЕВЕ  
МАРИИ РАДИ ИКОНЫ ЕЯ, НАРИЦАЕМОЯ ТРОЕРУЧИЦА, ЯЖЕ ВО СВЯТЕЙ ГОРЕ  
АФОНСТЕЙ

### НА МАЛОЙ ВЕЧЕРНИ

На Господи, воззвах: стихиры самогласны, глас 6.

Радуйся, Афоне святой, \* имуще в себе многоцелебен дар \* Пречистыя Девы Богородицы \* иконы чудесное явление, \* еюже в Троице славит Бога Вышняго.

Радуйся, Афоне святой, \* и вся вселенная, ликовствуй, \* яко ты имаши во ограде своей \* залог благодати Божия— \* пречудную икону Владычицы Богородицы, \* еяже троеручное явление славим.

Радуйся и веселися, Афоне святой, \* ты бо безценное сокровище в себе храниши \* цельбоносную икону Пречистыя Девы и Владычицы, \* яже третью и пречистую руку на иконе \* изобрази всем на заступление.

Слава, и ныне, глас 8:

Ископайте, людие, источник в высоте Афонския горы, \* потечет бо сладость во весь мир неизреченная, \* напаяющи исцелении душевными и телесными \* от святых и чудотворных икон \* Владычицы нашея Приснодевы Богородицы, \* Та бо верным источает дары целебныя и созывает видети, \* како двема руками держит во объятиих Держащаго всю тварь, \* третиею избавляет нас от всех бед.

На стиховне стихиры, глас 7:

Восхваляюще чудо от святых Твоя иконы, \* толико неведомое, \* вси вопием Тебе, Дево Пречистая: \* молитвами Твоими спаси души наша.

Стих: Слыши, Дщи, и виждь, \* и приклони ухо Твое.

Ликующе, да празднует весь мир \* пречудное Богорождшия Девы явление, \* сплетающе Ей песни духовныя, \* потщимся воспети священный образ Ея, \* любовию и чудеса прославльшейся, \* и пред ним вопиюще: \* подаждь милость нам, Владычице, \* и спаси души наша.

Стих: Лицу Твоему помолятся \* богатии людстии.

Ликуйте, вси людие, и торжествуйте, \* образ бо Пресвятыя Троицы, \* всечестными руками Своими \* Пречистая Дева на иконе изображает нам, \* приидите, празднующи вси, \* ублажим чудное явление Богоматере, \* да спасет души наша.

Слава, и ныне, глас 8: Владычице, прими молитвы раб Твоих \* и избави нас \* от всякия нужды и печали.

Тропарь глас 4:

Днесь всемирная радость возсия нам велия: \* даровася святей Горе Афонстей \* цельбоносная Твоя, Владычице Богородице, икона, \* со изображением тричисленно и нераздельно пречистых рук Твоих \* в прославление Святых Троицы, \* созываеши бо верных и молящихся Тебе о сем познати, \* яко двема Сына и Господа держиши, \* третью же яви на прибежище и покров чтущим Тя, \* от всяких напастей и бед избавляти, \* да вси, притекающие к Тебе, верою приемлют неоскудно от всех зол свободу, \* от врагов заступление, \* сего ради и мы вкупе со Афоном вопием: \* радуйся, Благодатная, Господь с Тобою.

## НА ВЕЛИЦЕЙ ВЕЧЕРНИ

Блажен муж: На Господи, возвах: стихиры, глас 1.

Подобен: О, дивное чудо:

О, дивное чудо! \* Источник приснотекущий, \* пречистый образ Твой, Владычице Богородице, \* даровая святоименитой Горе, \* удивляет же премирная \* и ужасает земная чудеса своими, \* зряще бо образ Святыя Троицы, \* тремя руками Твоими изображенный: \* двема держиши Сына Своего, Христа Бога нашего, \* третьею же от напастей и бед верно прибегающих избавляеши, \* темже благодарно Тебе вопием: \* Обрадованная, радуйся, с Тобою Господь, \* подай миру Тобою велию милость. [Трижды.]

О, велие чудо и неизреченное! \* Яви нам на иконе святей три руки Своя, \* о Дево Препоблагословенная! \* Сие бысть чудо чудесем \* и во всем мире радость велия, \* неизреченное богатство возсия нам благодати Божия, \* да вси, припадающе к Тебе, молимся: \* отврати, Богородице, всякия напасти от раб Твоих \* и покажи силу и благодать цельбоносныя святыя иконы Твоея, \* да верно Тебе вопием: \* Обрадованная, радуйся, с Тобою Господь, \* подай миру Тобою велию милость. [Трижды.]

О, странное чудо и преславное! \* Да вси, притекающе, узрим, \* како третью и пречистую руку на иконе изъяви, \* о Дево Препоблагословенная, \* на помощь верным и в заступление от бед наших и напастей, \* Тебе единой достойно есть показать \* столь велия чудеса, \* приидите, вернии, \* приспе бо день светлаго Ея торжества, \* припадающе, молимся и умильно вопием: \* Обрадованная, радуйся, с Тобою Господь, \* подай миру Тобою велию милость. [Трижды.]

Слава, и ныне, глас 2:

О, преславнаго чудесе! \* Воспети достойно недоумевае всяк ум, \* како во Афон входит Царица, \* Царя Христа рождающая, \* и преподобному Михаилу Малеину явися чудным образом, \* откры благодать о Горе, \* и о сем Афон ликовствует, \* яко имеюще многобогатый дар во ограде своей, \* цельбоносную, Владычице, Твою икону, \* к Нейже мы возопием: \* о Препоблагословенная, \* к Тебе имеют вернии сердца, любовию распаленная, \* благодарственную песнь поюще, \* яко Всенадежней Заступнице рода нашего, \* яже благоизволи даровати нам на прибежище \* пречистый зрак Свой, \* в нем бо зрим прославляемый в Тебе образ Троицаго Божества, \* прослави и в нас, чтущих Тя, Владычице, имя Твое, \* и сподоби милость улучити Сына Твоего, Христа Бога нашего, \* Того молящи, яко Милосерд.

Вход. Прокимен дне. И чтения Богородице.

Бытия чтения (глава 28):

Изыде Иаков от студенца клятвеннаго и иде в Харрань. И обрете место, и спа тамо, зайде бо солнце; и взят от камня места того, и положи возглавие себе, и спа на месте оном, и сон виде. И се лествица, утверждена на земли, еяже глава досязаше до небес, и Ангели Божии восхождаху и низхождаху по ней. Господь же утверждаешся на ней и рече: Аз Бог Авраамов, отца твоего, и Бог Исааков, не бойся. Земля, идеже ты спиши на ней, тебе дам ю и семени твоему. И будет семя твое, яко песок земный, и распространится на море, и Ливу, и север, и на востоки, и возблаго - словятся о тебе вся колена земная и о семени твоём. И се Аз с тобою, сохраняяй тя

на всяком пути, а може аще пойдеш. И возвращу тя в землю сию, яко не имам тебе оставити, дондеже сотворити Ми вся, елика глаголах тебе. И воста Иаков от сна своего и рече: яко есть Господь на месте сем, аз же не ведех. И убояся, и рече: яко страшно место сие, несть сие, но дом Божий, и сия врата Небесная.

#### Пророчества Иезекиилева чтение (главы 43 и 44):

Так о глаголет Господь: будет от дне осмаго и прочее, сотворят иереи на олтари всесождения вашего и яже спасения вашего, и прииму вы, глаголет Адонаи Господь. И обрати мя на путь врат святых внешних, зрящих на востоки, и сия бяху затворена. И рече Господь ко мне: врата сия затворена будут и не отверзутся, и никтоже пройдет сквозе их, яко Господь, Бог Израилев, пройдет ими, и будут затворена. Яко игумен сядет в них снести хлеб, по пути еламских врат внидет и по пути его изыдет. И введе мя по пути врат святых, сущих к северу, прямо храму, и видех, и се исполнь славы храм Господень.

#### Притчей чтение (глава 9):

Премудрость созда себе дом и утверди столпов седмь. Закла своя жертвенная, и раствори в чаше своей вино, и уготова свою трапезу. Посла своя рабы, созывающии с высоким проповеданием на чашу, глаголющи: иже есть безумен, да уклонится ко мне. И требующим ума рече: приидите, ядите мой хлеб и пейте вино, еже растворих вам. Оставьте безумие, и живи будете. И взыщите разума, да поживете и исправите разум в ведении. Наказуяй злыя примет себе безчестие, обличаяй же нечестиваго опорочит себе, обличение бо нечестивому – раны ему. Не обличай злых, да не возненавидят тебе, обличай премудра, и возлюбит тя. Даждь премудрому вину, и премудрший будет. Сказуй праведному, и приложит приимати. Начало премудрости – страх Господень, и совет святых – разум. Разумети бо закон помысла есть благаго: сим бо образом многое поживеши время, и приложатся тебе лета живота.

#### На литии стихиры, глас 5:

Ты еси Молитвенница неложная уповающих христиан, \* Ты еси Предстательница верная всем прибегающим, \* показала бо еси нам во спасение троеручный образ Твой, \* прими мольбы от нас, \* прилежно призывающих Тя, \* и подаждь велию и богатую милость.

Ты еси упование и покров верным, \* о Преблагословенная Владычице, \* даруй нам милость Сына Твоего и Господа, \* Ты бо еси Ходатаица к Нему сильная, \* елико восхощеши, вся у Него испросити можеши, \* Того моли подати мир и велию милость.

Ты еси прибежище наше, \* Ты еси избавление от напастей и бед, \* умилосердися, о Дево Пречистая, \* низпосли нам щедроты милосердия \* от святыя Твоя иконы, \* на нюже радостно взирающе, \* просим умирения душам нашим и велию милость.

#### Слава, и ныне, глас 8:

О, чудное украшение храма Твоего, \* Госпоже Царице Богородице, иконою Твоею, \* ейже предстоят вернии, \* молящися, со слезами вопиют: \* о Дево Всеблагая Богородице! \* Ты еси Небесных слава, земных упование, \* обидимых Заступница, печальных утешение. \* Днесь празднуем явление честнаго образа Твоего, \* преисполненнаго силы и чудес Триединаго Божества, \* яко три руки на нем видимы

есть: \* двема держиши Держащаго вся, \* третию же защищаеши от бед чтущих Тя, \* да вси болящии, притекающе, неоскудно приемлют исцеление, \* страждущии от бед избавление, \* Ты бо еси всем Неложная нам Предстательница \* и Молебница ко Христу Богу нашему, \* Того моли спастися душам нашим.

**На стиховне стихиры самогласны, глас 4:**

**Я**ко пресветлее солнца \* днесь возсия нам светило во храме сем, \* предстоящая икона Владычицы наша Богородицы, \* освещает бо прибегающих к ней верою \* и познание подает о чудесном явлении Своем, \* яко тричисленные руки Ея прославляют Святую Троицу, \* и близ Престола Троичнаго Сама седит, \* молящи о нас, избавитися душам нашим \* от всех бед, зол и обстояний.

**Глас 5: Стих: Слыши, Дщи, и виждь, \* и приклони ухо Твое.**

**Я**ко светозарная заря, \* озари в сердцах наших икона Твоя, о Дево, радость велию, \* показывает бо чудо преславное, \* како Ты, Владычице Всепетая, \* двема руками Сына и Господа объемлеши, \* третию же дивный покров и заступление рабом Твоим являеши, \* спаси, Владычице, души наша \* от всех бед, зол и обстояний.

**Стих: Лицу Твоему помолятся \* богатии людстии.**

**Я**же ненадежных упование известно \* и согрепающих спасение, \* Марие Всепетая, Чистая Богородице, \* прими от нас моление сие, \* зрящих на пречестную икону Твою, \* яко от нея верным источаеши чудеса, \* скорбящим скорби облегчаеши, \* немощных исцеляеши, \* ожидаем и мы милосердия Твоего: \* подаждь богатую Твою милость и спаси души наша \* от всех бед, зол и обстояний.

**Слава, и ныне, глас 6:**

**На**деждо безмерная \* и во всем Помощница и Заступница готовая \* Ты еси, Дево Пречистая, \* приидите, вернии, сошедшися в храм, \* песньми духовными радостно Ея почтим, \* зряще чудотворную икону Ея, \* и со дерзновением моление принесем и умильно возопием: \* радуйся, Владычице мира и душ наших спасение; \* радуйся, Защитнице бедствующих, \* подающая Свою неоскудную милость; \* радуйся, утоление печальных; \* не престай, Владычице, \* о нас молити Христа Бога нашего, \* помиловатися душам нашим.

**На благословении хлебов тропарь, глас 4:**

**Д**несь всемирная радость возсия нам велия: \* даровася святей Горе Афонстей \* цельбоносная Твоя, Владычице Богородице, икона, \* со изображением тричисленно и нераздельно пречистых рук Твоих \* в прославление Святыя Троицы, \* созываеши бо верных и молящихся Тебе о сем познати, \* яко двема Сына и Господа держиши, \* третию же яви на прибежище и покров чтущим Тя, \* от всяких напастей и бед избавляти, \* да вси, притекающии к Тебе, верою приемлют неоскудно от всех зол свобожделение, \* от врагов защищение, \* сего ради и мы вкупе со Афоном воишем: \* радуйся, Благодатная, Господь с Тобою. **[Трижды]**

## НА УТРЕНИ

На Бог Господь: тропарь Богородицы, глас 4:

Днесь всемирная радость возсия нам велия: \* даровася святей Горе Афонстей \* цельбоносная Твоя, Владычице Богородице, икона, \* со изображением тричисленно и нераздельно пречистых рук Твоих \* в прославление Святыя Троицы, \* созываеши бо верных и молящихся Тебе о сем познати, \* яко двема Сына и Господа держиши, \* третию же яви на прибежище и покров чтущим Тя, \* от всяких напастей и бед избавляти, \* да вси, притекающие к Тебе, верою приемлют неоскудно от всех зол освобождение, \* от врагов защищение, \* сего ради и мы вкупе со Афоном вопием: \* радуйся, Благодатная, Господь с Тобою. [Трижды]

По 1-м стихословии седален, глас 4.

Подобен: Удивися Иосиф:

Чудо преславное зрится днесь, \* веселитесь, людие, почитающе явление иконы Всенепорочныя Девы Богородицы, \* се бо возсия нам Божественная заря, благочестно от всех родов поющим, \* и ныне мы Ей, взывающе, приносим благодарственную песнь, \* яко показывает нам познавати Единого в Троице Бога нашего.

Слава, и ныне, тойже.

По 2-м стихословии седален, глас 4.

Подобен: Удивися Иосиф:

Чудо чудесем явися нам икона Твоя, Владычице Богородице, \* на нейже пречистыми Твоими руками Святую Троицу нераздельно в Трех Ипостасех прославляеши, \* сего ради, взирающе на икону, с верою молимся: \* прими, о Мати и Дево, нас в Свой покров \* и избави всех бед, Препоблагословенная.

Слава, и ныне, тойже.

Величание со сладкопением, лик 1:

Величаем Тя, \* Пренепорочная Дево, \* и чтим чудеса образа святого Твоего, \* трех пречистых рук Твоих явление \* в славу Божества, в Троице Бога нашего.

Лик 2: Величаем Тя, \* Пресвятая Дево, \* и чтим тричисленное изображение пречистых рук Твоих, \* Ты бо двема Сына и Господа держиши, \* третиею от напастей и бед нас избавляеши.

Псалом избранный: Помяни, Господи, Давида:

По полиелеи седален, глас 8.

Подобен: Повеленное тайно:

Велие чудо и преславное, Афон велегласно вопиет, \* имуще образ в себе Пречистыя Девы Богородицы, яко стража надежного \* противу врагов видимых и невидимых, \* и мы вси умильно вопием: \* предвари, Владычице, молитвами Твоими ко Христу Богу нашему, \* да спасет души наша.

Слава, и ныне, тойже.

Степенна, 1-й антифон, 4-го гласа.

Прокимен, глас 4: Слыши, Дщи, и виждь, \* и приклони ухо Твое.

Стих: Лицу Твоему помолятся богатии людстии.

Всякое дыхание:

## Евангелие от Луки, зачало 4.

**В**о дни оны, воставши, Мариам, иде в горняя со тщанием, во град Иудов. И вниде в дом Захариин, и целова Елисавет. И бысть яко услыша Елисавет целование Мариино, възграся младенец во чреве ея, и исполнися Духа Свята Елисавет. И возопи гласом велиим, и рече: благословена Ты в женах, и благословен плод чрева Твоего. И откуда мне сие, да прииде Мати Господа моего ко мне? Се бо, яко бысть глас целования Твоего во ушию моею, възграся младенец радощами во чреве моем. И блаженна Веровавшая, яко будет совершение глаголаннѹм Ей от Господа. И рече Мариам: величит душа Моя Господа, и возрадовася дух Мой о Бозе Спасе Моем. Яко призре на смирение Рабы Своея, се бо, отныне ублажат Мя вси роди. Яко сотвори Мне величїе Сильный, и свято имя Его. Пребысть же Мариамъ с нею яко три месяцы, и возвратися в дом Свой.

### По 50-м псалме стихира, глас 6:

**Д**несь радуйтєся, людїе, \* принесше достодожную песнь Владычице нашей Приснодеве Богородице, \* и почерпите благодать неоскудную \* от неистощимаго источника иконы Ея, светоблистаемая чудеса, \* яко тричисленно изобрази пречистыя руки Своя \* во образ Троичнаго Божества \* и, преподобному Михаилу Малєину возвещающї благодать, \* Гору Афонскую избра Себе \* яко место удобное, \* спасти в ней твердо обитающих \* и прибегающих к Ея покрову и заступлению \* и разсеянный ум собрати во единое стадо, \* еже прославляти Христа Бога нашего, \* Того моли спастися душам нашим.

**Канон, глас 1, краегранєсїе: Пресвятая Дева в руках Своих славит Святую Троицу.**

### Песнь 1

**Ирмос: Твоя победительная десница \* боголепно в крепости прославися: \* та бо, Безсмертне, \* яко всемогущая, противныя сотре, \* израильтяном пути глубины новосоделавшая.**

**Д**ивны Твоя чудеса, Владычице Богородице, Яже исцели усеченную руку десную преподобному Иоанну Дамаскину, еюже по исцелении песнотворение написа в прославление имене Твоего, и вси, таковому чудеси дивящєся, вопиют: радуйся, Преблагословенная, в болезнях наших исцеление.

**В**ладычице Богородице, извлеки мя из глубины напастей и бед, прибегаю и аз под кров Твой и заступление, да не изыду посрамлен и лишен милости Твоя, слезящий пред чудотворною иконою Твоею, на нейже три руки изображены в славу Бога Вышняго.

**О** Богоблаженная и Многоименитая Дево Мати, источник милосердия и щедрот, аз имею к Тебе веру велию, надежду известную и любовь сердечную, отврати всякия напасти от раб Твоих, славим бо тричисленное и нераздельное на иконе пречистых рук Твоих явление, имже Ты Святую Троицу во единстве прославляеши.

**В**ладычице Дево, кто не удивится всечестныя Твоя иконы троеручному явлению, сладостно бо зрети, како Ты премудро Триипостасное Божество прославляеши, скоро услыши, Пречистая, моление наше и защити рукою Твоею, юже третью яви нам на заступление.

**Катавасия, глас 8: Сокрушившему брани:**

### Песнь 3

**Ирмос:** Еди́не, ве́дый челове́ческаго су́щества немо́щь \* и ми́лостивно в не вообра́жся, \* препоя́ши мя с вы́соты си́лою, \* еже вопи́ти Тебе́, Святы́й, \* одуше́вленный хра́ме неизрече́нных сла́вы Твое́я, Чело́веколю́бче.

**С** вы́соты Афони́я Горы́ повсю́ду блиста́ет бога́тство ми́лосердия́ Твое́го, Влади́чице́ Бого́родице́, от святы́я иконы́, ю́же троеру́чно яви́ на прибе́жище верны́м, мы же к Тебе́ воззо́и́ем: о́ Мати́ и Де́во! изба́ви нас от огня́, и меча́, и всех бе́д, Преблагослове́нная.

**Б**езмерную́ Твою́ ми́лость на мне́ славослова́ю и вели́чаю в песне́х благода́рных чисты́м се́рдцем и у́сты, я́ко изба́вила еси́ мене́ всех напа́стей и бе́д и не допу́стила еси́ поги́бнути до ко́нца. И аз Тебе́, Влади́чицу́ Бого́родицу́, и чуде́са обра́за Твое́го вели́чати и просла́вляти не преста́ну во ве́ки.

**В**ы́сота вели́ка Афони́я Горы́, но явле́ние и чуде́са иконы́ Твое́я неизрече́нно пре́выше горы́, и благода́ть Бо́жия в ней, я́ко море́ неизчерпа́емое, приходя́щим веро́ю: прие́млют бо́ утеше́ние и в напа́стех изба́вление; пода́ждь, о́ Преблагослове́нная Де́во, и мне́, бедствую́щему, защи́щение ско́рое.

**Т**ы еси́ всех скорбя́щих прибе́жище, и оби́димых Засту́пница, и неру́шимый по́кров в бе́дах стра́ждущих. Темже́, припа́дая, вопи́ем Тебе́, Де́во Пречи́стая: приими́ моле́ние на́ше, от все́я ду́ши честную́ и преисполне́нную ще́дрот икону́ Твою́ почита́ющих.

### Седален, глас 5.

**Подобен:** Собезнача́льное Слово́:

**Я**́ко возлю́била еси́ па́ству Твою́, Бого́рожда́щая Мати́, \* благово́ли дарова́ти ей́ святу́ю пречи́стную́ Свою́ икону́, \* на нейже́ Прему́дрость Триипоста́сную в пречи́стых ру́ках Свои́х просла́вляеши, \* и пода́еши позна́вати в Трои́це Еди́наго Бо́га, \* и мно́гая чуде́са от иконы́ Твое́я веро́ю и любо́вию Тя́ призыва́ющим явля́еши, \* и па́ству Свою́ огра́ждаеши, \* и пода́еши все́му ми́ру спасе́ние и утве́рждение.

**Слава, и ныне, тойже.**

### Песнь 4

**Ирмос:** Гору́ Тя́, благода́тию́ Бо́жиею́ приосене́нную, \* прозорли́выма́ Авваку́м усмотрив о́чима, \* из Тебе́ изы́ти Изра́илеву́ провозгла́ша́ше Свя́тому \* во спасе́ние на́ше и о́бнове́ние.

**О**бновим се́рдца веро́ю, зря́ще во Афони́ей Го́ре новое́ Влади́чицы́ Бого́родицы́ троеру́чное явле́ние. Вся́к, недоуме́вающе о́ сем, то́кмо моля́щся, Тебе́ вопи́ет: о́ Мати́ и Де́во, приими́ моле́ние на́ше и пода́ждь ми́лость и защи́щение, и исполни́ язы́к и се́рдца верны́х досто́йнаго́ Ти́ хвале́ния.

**Р**адо́стною́ тру́бою́ Афон во́ вся ко́нцы́ земли́ гласи́т: прииди́те и ви́дите дела́ Бо́жия, како́ Пречи́стая́ Де́ва на и́коне в ру́ках Свои́х явля́ет Трои́чный ви́д Бо́жества́, ими́же де́ржит Любо́вь и Ми́лосердие́, воспи́суем су́губо в се́рдцах на́ших радо́стную́ песнь досто́йнаго́ Ея́ хвале́ния.

**Я**́ко сподо́бися́ преподо́бный́ Михаи́л Мале́ин благода́ть я́вно от Тебе́, Влади́чице́ Бого́родице́, улу́чити, сподо́би и мене́, Все́пречи́стая́, зре́ти и разу́мети, како́ Ты́ Святу́ю Трои́цу на и́коне в ру́ках Свои́х просла́вляеши, да́ воспи́сую́ в

сердце моем Твой образ и молю Тя: отверзи язык мой и исполни его достойного Тебе хваления.

**Г**рядите, людие, ко Афону днесь, еже принести моление Приснодеве Чистой Богородице пред чудною Ея иконою, тричисленно и нераздельно пречистыми руками изображающую единую силу Божества, на сию же враги наша зрети не могут, мы же, вернии, взирающе на оную, воишем: отверзи нам уста пети песнь достойного Тебе хваления.

### Песнь 5

**Ирмос: Просветивый сиянием \* пришествия Твоего, Христе, \* и осветивый Крестом Твоим мира концы, \* сердца просвети светом Твоего Богоразумия \* православно поющих Тя.**

**А**фонская Гора преисполнися святынь, на нейже явися и прославися святая Твоя, Владычице Богородице, икона, красящаяся изливанием от нея благодати во исцеление скорбящих, и вси таковому чудеси дивятся, яко три пречистыя Твоя руки нам яви.

**С**ияет доброта, блистают, яко солнечныя лучи, от Твоя святыя иконы различная чудеса, низпосли мне, о Преблагословенная, покров и заступление Твое от врагов, губящих мя, тии бо от руки Твоя погибнут, яко третью на иконе изъяви нам на заступление.

**П**реславное чудо зрится, Всенепорочная Дево, на иконе Твоей: во образ Святыя Троицы руки Своя яви и познание подаеши рабом Твоим, яко двема держиши Держащаго вся, третьею же защищаеши во всех напастех верно прибегающих к Тебе, мы же, вернии, воишем: радуйся, Заступнице наша Всенадежная.

**О**, неизмеримая глубина рожества Твоего! О, неизреченное богатство милосердия Твоего! яко безмерныя печали и напасти в радость нам твориши, призывающим Тя в нужде и обстоянии, подаждь же милость Твою в страшный День Суда и испытания дел человеческих.

### Песнь 6

**Ирмос: Обыде нас последняя бездна, \* несть избавляяй, \* вменихомся, яко овцы закления, \* спаси люди Твоя, Боже наш, \* Ты бо крепость немощствующих и исправление.**

**В**о Афон радостно вси притецем зрети явление иконы Владычицы Богородицы, яко славит Небеснаго Творца в Троице Трисолнечное естество и нас Тройческому поклонятися учит Божеству Ейже, припадая, со слезами воишем: о Дево Пречистая, отверзи наша уста и исполни сердце вопити Тебе песнь достойного хваления.

**У**тешение велие обретох души моей в бедах и напастех – прибегати к Тебе, Богородительнице, и аз к цельбоносней Твоей иконе со слезами воию: не презри, Богородице, слез и въздыхания моего и возведи от печалей в радость, яко и Афон радостно ликовствует, имуще честный образ Твой троеручнаго явления.

**В**ладычице, мира спасение, верных надежда, покров и заступление, всеусердно припадая к Тебе, воишем: покажи на нас, погибающих, силу и благодать цельбоносныя святыя иконы Твоя, избави нас всех напастей, да не престанем величати Тебе, Заступницу в печалех верную.



**О** Всенепорочная Дево! Божественное проречение уст Твоих исполнися, еже о рождении преподобнаго Михаила Малейна прежде предрекла еси, радуется вся земля о Божественной силе Твоей, веселится глас празднующих непрестанно, зряще Твоего лица доброту неизреченную, весело воспевающе: радуйся, Дево, христиан похвало.

Кондак, глас 8.

Подобен: Взбранной Воеводе:

**Д**несь веселое наста ныне Твое торжество, Богомати Пречистая, \* вси вернии исполнишася радости и веселия, \* яко сподобльшеся изрядно воспети \* предивное явление честнаго образа Твоего \* и рождашася из Тебе Младенца, истинна же Бога, \* Егоже двема рукама объемлещи, \* и третьею от напастей и бед нас изымаещи \* и избавляещи от всех зол и обстояний.

**Икос:** Ангелов Творца, истиннаго Света Христа, неизреченно из Тебе, Богомати, возсиявшаго, на иконе чудесне яви и тричисленным Своим изображением пречистых рук Твоих вся концы земли удиви, темже благодарственно дерзаем вопити Тебе сице: радуйся, по человечеству двема рукама Сына и Бога объемлющая; радуйся, по Божеству третьею рукою от напастей и бед нас избавляющая; радуйся, страждущим в печалех помогающая; радуйся, болезни вскоре исцеляющая; радуйся, яко Тобою защищаемся от врагов сильных, помышляющих на ны злая; радуйся, сохраняющая от всех зол и обстояний.

Песнь 7

**Ирмос:** Тебе, умную, Богородице, пещь, \* рассмотрим, вернии, \* якоже бо отроки спасе три Превозносимый, \* мир обнови, во чреве Твоем всецел, \* хвальный отец Бог и препрославлен.

**О** Мати Бога Вышняго, призри на моление верою к Тебе прибегающих: врази на мя ополчишася, изостриша меч свой, уязвити мя хотяще. Ты же, яко Защитница наша, отыми поношения человеческия и напрасныя клеветы, на Тебе надеюся, Ты бо моя крепость и защищение.

**Н**енавидящии мя, творяще обиды, ниспускают стрелы лукавствия, хотяще мя зело уязвити, аз же, Пречистая Владычице, взирая на икону Твоего троеручнаго явления, юже дарова нам яко стража на враги, приношу Тебе моление: защити, Всепетая, рукою Твоею мене, погибающаго.

**В**ладычице Богородице, сокруши злыя врагов на мя помыслы и клеветы устави, избавляющи неповинныя от скорби, имама бо, Пречистая Дево, Твою икону, благодати преисполненную, врагов устрашающую и верно прибегающих к Тебе увеселяющую.

**О** Дево Пречистая! Смири сердца злых человек, обидящих и ненавидящих мя, и враждебно клянущих загради уста, да посрамятся врази и узрят Твою сопротив борющую силу, се милостивно Ты нас посещаещи и залог благодати – икону Твою яко стража на враги даруещи.

Песнь 8

**Ирмос:** В пещи отроцы Израилевы, \* якоже в горниле, \* добротою благочестия чистее злата блещахуся, глаголюще: \* благословите, вся дела Господня, Господа, \* пойте и превозносите во вся веки.

**У**слыши моление мое, Владычице Всепетая, облегчи бремя бед моих и напастей, яко да возмогу воздати Тебе обеты, яже в печали глаголаша уста моя, славлю бо толико чудесное явление святых иконы Твоея, возведи мя рукою Твоею из глубины бед в радость, воспевающая и превозносяща Тя во веки.

**О** Препоблагословенная Дево! Егда приспе день светлаго торжества – явления пречудного образа Твоего, тогда Афонская Гора красится, яко приемлет многобогатный дар во ограду свою зари Божественныя. О Дево, озари сердца наша светом Божества, Егоже в руках Твоих на иконе прославляеши, поющих и превозносящих Тя во вся веки.

**У**жасом объяти быша и недоумеваша о сем, како три руки на иконе нам яви, но токмо радостно вопием: о Владычице Дево, единой Тебе сие достойно есть – двема рукама Сына и Господа держати, а третьею верная от бед избавляти, поющих и превозносящих Тя во вся веки.

**П**оют Тя вси земнороднии и славословят силы Небесныя, яко Матерь Христа Бога нашего, Ты бо, сидящи на честном престоле близ Пресвятыя Троицы, во образ Ея и три руки на иконе яви, моли Ю о нас, Пречистая, избавитися нам мук, да возрадуются вси, поющии и превозносящии Тя во веки.

### Песнь 9

**Ирмос:** Образ чистаго рожества Твоего \* огнепальная купина показа неопальная; \* и ныне на нас напастей свирепеющую угасити, молимся, пещь, \* да Тя, Богородице, \* непрестанно величаем.

**Б**езмерно насладихся щедрот и благодеяний Твоих аз, Дево Пречистая, и воспеваю Тя благодарственными песнями пред иконою Твоею, на нейже зрится чудо чудесем: третья пречистая рука Твоя, на помощь и защищение Тя призывающим.

**В** песнях благодарных не престану величати Тя, Всепречистая Дево Богородице, яко неисчетныя щедроты низпослала еси, проповедуеши всем чудеса цельбоносныя Твоея иконы, яко подаеши в болезнях исцеление, в напастех избавление, Ты бо еси покров всем прибегающим.

**У**дивила еси всех воистинну, Пренепорочная Дево, заступлением и покровом Твоим, врази мои отступиша от мене, вместо печали радость ми дарова, и аз радостно вопию, яко цельбоносная Твоя икона дивная чудеса показа, да вси ведуще, яко Ты еси Заступница всем прибегающим.

**В**иждь, Владычице Богородице, неможение мое, недоумеваю бо воспети милосердие Твое на мне, подаждь обновление сердцу моему достойно воспети Тебе песнь, толико чудному на иконе пречистых трех рук Твоих изображению, Ты бо еси Неложная Заступница христиан.

### Светилен.

**Подобен:** Небо звездами:

**Г**ора Афонская вопиет: \* грядите, людие, к неистощимому источнику – \* цельбоносней иконе Владычицы наша Богородицы \* прияти щедрот множество, \* вси бо прибегающии получают неисчетно дары целебныя и вопиют: \* воистинну Ты еси, Дево Благословенная, \* всем крепость, держава и защищение.

**Слава, и ныне, тойже.**

### На хвалитех стихирь самогласны, глас 5:

Тебе воспоим светло давидскую песнь, \* яко Царице и Богородице, \* лицу Твоему помолятся богатии людстии, \* и Афонская Гора радостно исполняется, \* яко в пастве Твоей сохраняется, \* преподобному Михаилу Малейну благодать открыла еси, \* сего ради и мы, любовию созываемы \* видети святую и пречудную Твою, Богородице, икону, \* в нейже Богочачалие в Троице являеши \* изображением пречистых рук Твоих, \* темже к Тебе вопием: \* Владычице, моли Христа Бога нашего \* спастися душам нашим. [Дважды.]

Тебе припадаем, Госпоже, и молимся, \* зряще пречестную икону Твою, \* сию бо и Афон ликовствует, \* имея во ограде своей залог благодати Божия, \* да вси притекающии приемлют неоскудно \* благопотребнаго прошения своего исполнение, \* приими, Владычице Всепетая, \* верных Твоих раб мольбы, \* чествующих праздник явения Твоего, \* Ты бо нам на иконе Своей три руки явила еси \* в славу Бога нашего, \* Того моли спастися душам нашим.

Тебе припадая, молимся, \* о Дево Чистая Богородице, \* Мати Бога нашего, \* видяще икону святую Твою, \* сияющую паче солнечных луч, \* подаеши бо милости просящим, \* скорбящим скорби облегчаеши, \* немощным здравие даруеши, \* яко получи исцеление десныя своя руки святыи Иоанн Дамаскин, \* ейже и мы ныне со умилением, предстояще, молимся \* и, любезно обლობызав, глаголем: \* спаси нас, Госпоже, от глада, огня, меча и всех бед, \* почитающих верно Твое явление, \* и подаждь помощь спастися душам нашим.

### Слава, и ныне, глас 6:

Днесь, собори верных, сошедшеся, \* воспещите руками веселия, \* духовне торжествующе день преславнаго явения \* цельбоносныя иконы Приснодевы Чистыя Богородицы, \* Ейже мы предстоим и единогласно возопиим: \* радуйся, Преблагословенная, \* яко изображением на иконе пречистых рук Твоих в Троице Бога славиши: \* радуйся, яко едину силу и благодать в них имееши; \* радуйся, яко двема рукама Сына и Господа держиши, \* третию же от всех напастей и бед нас избавляеши; \* радуйся, Заступнице наша Всенадежная ко Христу Богу нашему, \* Того моли спастися душам нашим.

### Славословие и отпуст.

## НА ЛИТУРГИИ

Блаженны от канона, песни 3-я и 6-я, на 8.

**С** высоты Афонския Горы повсюду блистает богатство милосердия Твоего, Владычице Богородице, от святых иконы, юже троеручно яви на прибежище верным, мы же к Тебе воззоишем: о Мати и Дево! избави нас от огня, и меча, и всех бед, Препоблагословенная.

**Б**езмерную Твою милость на мне славословлю и величаю в песнях благодарных чистым сердцем и усты, яко избавила еси мене всех напастей и бед и не допустила еси погибнути до конца. И аз Тебе, Владычицу Богородицу, и чудеса образа Твоего величати и прославляти не престану во веки.

**В**ысота велика Афонския Горы, но явление и чудеса иконы Твоя неизреченно превыше горы, и благодать Божия в ней, яко море неизчерпаемое, приходящим верою: приемлют бо утешение и в напастех избавление; подаждь, о Препоблагословенная Дево, и мне, бедствующему, заступление скорое.

**Т**ы еси всех скорбящих прибежище, и обидимых Заступница, и нерушимый покров в бедах страждущих. Темже, припадая, вопием Тебе, Дево Пречистая: приими моление наше, от всея души честную и преисполненную щедрот икону Твою почитающих.

**В**о Афон радостно вси притецем зрети явление иконы Владычицы Богородицы, яко славит Небеснаго Творца в Троице Трисолнечное естество и нас Тройческому поклонятися учит Божеству Ейже, припадая, со слезами вопием: о Дево Пречистая, отверзи наша уста и исполни сердце вопити Тебе песнь достойнаго хваления.

**У**тешение велие обретох души моей в бедах и напастех – прибегати к Тебе, Богородительнице, и аз к цельбоносней Твоей иконе со слезами вопию: не презри, Богородице, слез и въздыхания моего и возведи от печалей в радость, яко и Афон радостно ликовствует, имуще честный образ Твой троеручнаго явления.

**Слава:** Владычице, мира спасение, верных надежда, покров и заступление, всеусердно припадая к Тебе, вопием: покажи на нас, погибающих, силу и благодать цельбоносных святых иконы Твоя, избави нас всех напастей, да не престанем величати Тебе, Заступницу в печалех верную.

**И ныне:** **О** Всенепорочная Дево! Божественное проречение уст Твоих исполнися, еже о рождении преподобнаго Михаила Маленна прежде предрекла еси, радуется вся земля о Божественной силе Твоей, веселится глас празднующих непрестанно, зряще Твоего лица доброту неизреченную, весело воспевающе: радуйся, Дево, христиан похвало.

### Тропарь, глас 4:

**Д**несь всемирная радость возсия нам велия: \* даровася святей Горе Афонстей \* цельбоносная Твоя, Владычице Богородице, икона, \* со изображением тричисленно и нераздельно пречистых рук Твоих \* в прославление Святых Троицы, \* созываеши бо верных и молящихся Тебе о сем познати, \* яко двема Сына и Господа держиши, \* третью же яви на прибежище и покров чтущим Тя, \* от всяких напастей и бед избавляти, \* да вси, притекающие к Тебе, верою приемлют неоскудно от всех зол свобожделение, \* от врагов заступление, \* сего ради и мы вкупе со Афоном вопием: \* радуйся, Благодатная, Господь с Тобою.

### Кондак, глас 8.

Днесь веселое наста ныне Твое торжество, Богомати Пречистая, \* вси вернии исполнишася радости и веселия, \* яко сподобльшеся изрядно воспети \* предивное явление честнаго образа Твоего \* и рождашася из Тебе Младенца, истинна же Бога, \* Егоже двема руками объемлещи, \* и третьею от напастей и бед нас изымаещи \* и избавляещи от всех зол и обстояний.

### Прокимен, глас 3, песнь Богородицы:

**Прокимен:** Величит душа Моя Господа, \* и возрадовася дух Мой о Бозе Спасе Моем.

**Стих:** Яко призре на смирение рабы Своея, се бо отныне ублажат Мя вси роди.

### Апостол ко евреям, зачало 240.

**Б**ратие, сие да мудрствуется в вас, еже и во Христе Иисусе, Иже во образе Божии съи, не восхищением непщева быти равен Богу. Но Себе умалил, зрак раба приим, в подобии человечестем быв, и образом обретеся якоже человек. Смирил Себе, послушлив быв даже до смерти, смерти же крестныя. Темже и Бог Его превознесе и дарова Ему имя, еже паче всякаго имене, да о имени Иисусове всяко колено поклонится небесных и земных и преисподних, и всяк язык исповестъ, яко Господь Иисус Христос в славу Бога Отца.

**Аллилуя, глас 8:** Слыши, Дщи, и виждь, и приклони ухо Твое.

**Стих:** Лицу Твоему помолятся богатии людстии.

### Евангелие Луки, зачало 54.

**В**о время оно, вниде Иисус в весь некую, жена же некая именем Марфа прият Его в дом свой. И сестра ей бе нарицаемая Мария, яже и седши при ногу Иисусову, слышаше слово Его. Марфа же молвяше о мнозе службе, ставши же рече: Господи, не брежеш ли, яко сестра моя едину мя остави служити; рцы убо ей, да ми поможет. Отвещав же Иисус, рече ей: Марфо, Марфо, печешися и молвиши о мнозе. Едино же есть на потребу. Мария же благую часть избра, яже не отыметя от нея. Бысть же егда глаголаше сия, воздвигши некая жена глас от народа, рече Ему: блажено чрево носившее Тя, и сосца, яже еси ссал. Он же рече: темже убо блажени слышавшии слово Божие, и хранящи е.

**Причастен:** Чашу спасения прииму, и имя Господне призову.

### МОЛИТВА

**О** Пресвятая Госпоже Владычице Богородице, велие чудо святому Иоанну Дамаскину явившая, яко веру истинную – надежду несумненную показавшему! Услыши нас, грешных, пред чудотворною Твоею иконою усердно молящихся и просящих Твоя помощи: не отрини моления сего многих ради прегрешений наших, но, яко Мати милосердия и щедрот, избави нас от болезней, скорбей и печалей, прости содеянные нами грехи, исполни радости и веселия всех, чтущих святую икону Твою, да радостно воспоем и любовию прославим имя Твое, яко Ты еси от всех родов избранная и благословенная во веки веков. Аминь.

## ИНА МОЛИТВА

О Пресвятая и Преблагословенная Дево Богородице Марие! Припадаем и покланяемся Ти пред святою троеручною иконою Твоею, воспоминая преславное чудо Твое исцелением усеченныя десницы праведнаго Иоанна Дамаскина, от иконы сея явленное, егоже знамение доныне видимо есть на ней, во образе третия руки, к изображению Твоему приложенныя. Молимся Ти и просим Тя, Всеблагую и Всещедрую рода нашего Заступницу: услыши нас, молящих Ти ся, и якоже блаженнаго Иоанна, в скорби и болезни к Тебе возопившаго, услышала еси, тако и нас не презри, скорбящих и болезнующих ранами страстей многоразличных и к Тебе от души сокрушенныя и смиренныя усердно прибегающих. Ты зриши, Госпоже Всемиловитая, немощи наша, озлобление наше, нужду, потребу нашу в Твоей помощи и заступлении, яко отвсюду врагами окружени есмы, и несть помогающаго, ниже заступающаго, аще не Ты умилосердишися о нас, Владычице. Ей, молим Ти ся, вонми гласу болезненному нашему и помози нам святоотеческую Православную веру до конца дней наших непорочно сохранить, во всех заповедех Господних неуклонно ходити, покаяние истинное о гресех наших всегда Богу приносить и сподобитися мирныя христианския кончины и добраго ответа на Страшнем Суде Сына Твоего и Бога нашего, Егоже умоли за нас Матернею молитвою Твоею, да не осудит нас по беззакониим нашим, но да помилует нас по велицей и неизреченней милости Своей. О Всеблагая! услыши нас и не лиши нас помощи Твоя державныя, да, Тобою спасение получивше, воспоем и прославим Тя на земли живых и рождающагося от Тебе Искупителя нашего, Господа Иисуса Христа, Емуже подобает слава и держава, честь и поклонение, купно со Отцем и Святым Духом, всегда, ныне, и присно, и во веки веков. Аминь.